



Broj:
Maglaj,

PRIJEDLOG

Na osnovu člana 18, 32. i 55. Statuta Općine Maglaj – prečišćen tekst („Službene novine Općine Maglaj“, br. 8/07, 3/08 i 6/08), člana 9. Poslovnika o radu Općinskog vijeća Maglaj – prečišćen tekst („Službene novine Općine Maglaj“, br. 2/9, 1/13 i 2/13) i člana 28. i 29. Odluke o izvršavanju Budžeta/Proračuna Općine Maglaj za 2025. godinu („Službene novine Općine Maglaj“, broj: 2/25), Općinsko vijeće Maglaj na ____ redovnoj sjednici, održanoj _____ godine, donosi

ODLUKU

**o visini i načinu isplate naknada općinskim vijećnicima,
predsjedavajućeg, zamjenika predsjedavajućeg i
naknada članovima radnih tijela Općinskog vijeća za 2025. godinu**

Član 1.

Ovom Odlukom utvrđuje se visina i način isplate naknade za obavljanje vijećničke funkcije, funkcije predsjednika klubova, visina i način naknade za obavljanje funkcije predsjedavajućeg i zamjenika predsjedavajućeg (u daljem tekstu izabranih zvaničnika). Odlukom se također, utvrđuje iznos naknade za prisustvo i učešće u radu radnih tijela Općinskog vijeća Maglaj (u daljem tekstu: Općinsko vijeće).

Član 2.

Pod naknadama iz člana 1. ove Odluke podrazumijevaju se :

- a) mjesečna naknada vijećnika (paušal)
- b) naknada vijećnicima za prisustvo sjednicama Općinskog vijeća
- c) naknada članovima radnih tijela za učešće u radu.

Član 3.

Izabrani zvaničnici imaju pravo na stalno mjesečno primanje (paušal). Naknada za obavljanje funkcije izabranih zvaničnika Općinskog vijeća utvrđuje se u mjesečnom paušalnom iznosu od :

- 600,00 KM za predsjedavajućeg Općinskog vijeća
- 500,00 KM za zamjenika predsjedavajućeg Općinskog vijeća
- 350,00 KM za predsjednike klubova vijećnika
- 300,00 KM za vijećnike Općinskog vijeća

Član 4.

Naknada izabranim zvaničnicima za prisustvo sjednicama Općinskog vijeća iznosi 100,00 KM po održanoj sjednici.

Ukoliko se sjednica Općinskog vijeća prekine, izabranim zvaničnicima za nastavak sjednice pripada naknada u visini od 50% od naknade iz prethodnog stava.

Ako nastavak sjednice traje duže od 3 sata istim pripada naknada u iznosu iz stava 1. ovog člana.

Evidenciju o prisustvu sjednicama vodi nadležna služba a na osnovu odredbi Poslovnika o radu Općinskog vijeća.

Član 5.

Utvrđuje se naknada članovima radnih tijela za učešće u radu, tako da visina naknade po sjednici iznosi:

- 40,00 KM za predsjednika
- 30,00 KM za članove.

Isplata novčane naknade za obavljanje dužnosti člana radnog tijela Općinskog vijeća utvrđuje se na osnovu izvještaja o radu radnih tijela.

Evidenciju iz prethodnog stava vodi nadležna služba, a na osnovu odredbi Poslovnika o radu Općinskog vijeća.

Član 6.

Neopravdano odsustvo sjednicama smatra se svako neprisustvovanje sjednici koje nije najavljeno i obrazloženo razlozima neprisustvovanja i koja nisu verifikovana na sjednici Općinskog vijeća.

Neopravdano odsustvovanje sjednici Općinskog vijeća smatra se i ako vijećnik bez opravdanog razloga ne prisustvuje sjednici Općinskog vijeća duže od 50% efektivnog trajanja određene sjednice Općinskog vijeća.

Član 7.

Isplata naknade iz člana 4. ove Odluke vršit će se na osnovu evidencije o prisustvu vijećnika radu sjednice Općinskog vijeća, a naknada iz člana 5. isplaćivat će se periodično na osnovu izvještaja o radu članova radnih tijela.

Član 8.

Za realizaciju ove Odluke zadužuje se Općinski načelnik, Služba za privredu, finansije/ financije i razvoj poduzetništva i Služba Općinskog načelnika i Općinskog vijeća.

Član 9.

Danom stupanja na snagu ove Odluke prestaje da važi Odluka o visini i načinu isplate naknada općinskim vijećnicima, predsjedavajućeg, zamjenika predsjedavajućeg i naknada članovima radnih tijela Općinskog vijeća za 2025. godinu broj: 02-04-1-116/25 od 23.01.2025. godine.

Član 10.

Ova Odluka stupa na snagu danom donošenja i bit će objavljena u „Službenim novinama Općine Maglaj“.

PREDSJEDAVAJUĆA

Aida Bašić

Obrazloženje

Članom 18. Statuta Općine Maglaj – prečišćen tekst („Službene novine Općine Maglaj“, br. 8/07, 3/08 i 6/08) propisano je da Općinsko vijeće Maglaj u okviru svojih nadležnosti donosi odluke, rješenja, propise i opće akte.

Članovi radnih tijela Vijeća imaju pravo na naknadu za svoj rad i druga prava utvrđena odlukom Vijeća u skladu sa zakonom, a što je propisano člano 32. Statuta Općine Maglaj – prečišćen tekst.

Također je članom 55. Statuta Općine Maglaj – prečišćen tekst propisano da vijećnik ima pravo na naknadu za rad u Vijeću i druga prava za vrijeme vršenja funkcije vijećnika. Članovi radnih tijela imaju pravo na naknadu za rad u tim tijelima. O pravima iz stava (1) i (2) odlučuje Vijeće.

Članom 9. Poslovnika o radu Općinskog vijeća Maglaj – prečišćen tekst („Službene novine Općine Maglaj“, br. 2/9, 1/13 i 2/13) definisana je naknada za vršenje dužnosti vijećnika, odnosno vijećnik ima pravo na naknadu za rad u Vijeću, kao i druga prava u skladu sa Statutom Općine Maglaj.

Članom 28. i 29. Odluke o izvršavanju Budžeta/Proračuna Općine Maglaj za 2025. godinu („Službene novine Općine Maglaj“, broj: 2/25) propisano je da:

Sredstva sa pozicije „Naknade općinskim vijećnicima“ koristiti će se na osnovu Odluke o visini i načinu isplate naknada općinskim vijećnicima, koju donosi Općinsko vijeće.

Sredstva sa pozicije „Naknada članovima komisija Općinskog vijeća“ koristiti će se na osnovu Odluke o visini naknade članovima komisija Općinskog vijeća kao stalnim radnim tijelima, koju donosi Općinsko vijeće.

Općinsko vijeće Maglaj je 23.01.2025. godine donijelo Odluku o visini i načinu isplate naknada općinskim vijećnicima, predsjedavajućeg, zamjenika predsjedavajućeg i naknada članovima radnih tijela Općinskog vijeća za 2025. godinu broj: 02-04-1-116/25, koja je donesena na osnovu Odluke o privremenom finansiranju Općine Maglaj za period 01.01.-31.03.2025. godine. S obzirom da je Općinsko vijeće Maglaj 28.02.2025. godine donijelo Budžet Općine Maglaj za 2025. godinu, kao i Odluku o izvršavanju Budžeta/Proračuna Općine Maglaj za 2025. godinu, potrebno je da se donese nova Odluka o visini i načinu isplate naknada općinskim vijećnicima, predsjedavajućeg, zamjenika predsjedavajućeg i naknada članovima radnih tijela Općinskog vijeća za 2025. godinu.

Obradivač: Emina Hasanić



PREDLAGAČ
OPĆINSKI NAČELNIK

Maida Suljaković

